

kojim se obezbjeđuje životni standard studenata ("Službene novine Kantona Sarajevo", br. 24/00, 21/06 i 45/15), Vlada Kantona Sarajevo, na 79. vanrednoj sjednici održanoj 28.06.2021. godine, donijela je

**ODLUKU
O DAVANJU SAGLASNOSTI UPRAVNOM ODBORU
JAVNE USTANOVE "STUDENTSKI CENTAR"
SARAJEVO ZA IMENOVANJE DIREKTORA**

I

Daje se saglasnost Upravnom odboru Javne ustanove "Studentski centar" Sarajevo za imenovanje Amara Dovadžije za direktora Javne ustanove "Studentski centar" Sarajevo, na mandatni period od četiri (4) godine.

II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-26442-2/21
28. juna 2021. godine
Sarajevo

Premijer
Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 7. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo ("Službene novine Kantona Sarajevo", br. 4/04, 29/09 i 18/13) i člana 1. stav (2) tačka c) Odluke o načinu obrazovanja i utvrđivanja visine naknade za rad radnih tijela koje obrazuje Vlada Kantona Sarajevo i rukovodioci kantonalnih organa državne službe ("Službene novine Kantona Sarajevo", broj 18/20) Vlada Kantona Sarajevo, na 29. sjednici održanoj 24.06.2021. godine, donijela je

**ODLUKU
O DAVANJU SAGLASNOSTI MINISTRICI ZA RAD,
SOCIJALNU POLITIKU, RASELJENA LICA I
IZBJEGLICE KANTONA SARAJEVO ZA
IMENOVANJE KOMISIJA ZA REALIZACIJU
POJEDINAČNIH PODSTICAJNIH MJERA
DEFINISANIH PROGRAMOM MJERA ZA PODSTICAJ
ZAPOŠLJAVANJA I ODRŽAVANJA VIŠE STOPE
ZAPOSLENOSTI I POBOLJŠANJE STRUKTURE
ZAPOSLENIH U KANTONU SARAJEVO
U 2021. GODINI**

Daje se saglasnost ministrici za rad, socijalnu politiku, raseljena lica i izbjeglice Kantona Sarajevo za imenovanje komisija za realizaciju pojedinačnih podsticajnih mjera definisanih Programom mjera za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u 2021. godini broj 02-04-21805-40.1/21 od 20.05.2021. godine, i to:

1. Komisija zadužena za realizaciju Programa sufinansiranja zapošljavanja "Posao za sve", Program obuke, dokvalifikacije i prekvalifikacije nezaposlenih osoba i Programa sufinansiranja zapošljavanja mladih osoba koje su izašle iz sistema javne brige,
2. Komisija zadužena za realizaciju Programa sufinansiranja zapošljavanja "Zlatna značka",
3. Komisija zadužena za realizaciju Programa sufinansiranja zapošljavanja šehidskih porodica

porodica poginulih boraca-branitelja i Programa sufinansiranja samozapošljavanja šehidskih porodica i porodica poginulih boraca-branitelja, i

4. Komisija zadužena za Program sufinansiranja zapošljavanja demobilisanih boraca-branitelja u komunalnoj privredi.

Broj 02-04-25959-26/21
24. juna 2021. godine
Sarajevo

Premijer
Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 15. stav (3) i člana 17. Zakona o obrazovanju odraslih ("Službene novine Kantona Sarajevo", br. 40/15 i 40/20), Vlada Kantona Sarajevo, na 29. sjednici održanoj 24.06.2021. godine, donijela je

**ODLUKU
O IZMJENAMA I DOPUNAMA ODLUKE O
STANDARDIMA I NORMATIVIMA ZA REALIZACIJU
PROGRAMA OBRAZOVANJA ODRASLIH**

Član 1.

(Izmjena člana 9.)

U Odluci o standardima i normativima za realizaciju programa obrazovanja odraslih ("Službene novine Kantona Sarajevo", broj: 32/16), član 9. mijenja se i glasi:

"Član 9.

(Programi formalnog obrazovanja odraslih)

- (1) Programi formalnog obrazovanja odraslih obuhvataju:

1. osnovno obrazovanje odraslih;
2. programe za sticanje srednje stručne spreme izuzev gimnazije;
3. programe za sticanje prvog zanimanja;
4. programe prekvalifikacije;
5. programe dokvalifikacije."

Član 2.

(Dopuna člana 12.)

U članu 12. dodaju se novi stavovi (3) i (4) koji glase:

- (3) Formalni programi obrazovanja odraslih za sticanje srednje stručne spreme (za III i IV stepen, izuzev gimnazije) i programi za sticanje prvog zanimanja se izvode u javnim ustanovama za odgoj i obrazovanje u sistemu redovnog/formalnog obrazovanja.

- (4) Izuzetno od odredbi stava (3) ovog člana program formalnog obrazovanja odraslih za sticanje srednje stručne spreme (za III i IV stepen, izuzev gimnazije), privatni organizatori obrazovanja odraslih koji su upisani u Registar organizatora obrazovanja odraslih u Ministarstvu, od dana stupanja na snagu Zakona o izmjenama i dopunama zakona o obrazovanju odraslih mogu realizirati obrazovne programe za dvije generacije polaznika.

Član 3.

(Dopuna člana 13.)

Član 13.

(Programi prekvalifikacije i dokvalifikacije)

U članu 13. u naslovu člana iza riječi prekvalifikacije dodaju se riječi "i dokvalifikacije".

Iza stava (3) dodaje se novi stav (4) koji glasi:

- "(4) Programi prekvalifikacije i dokvalifikacije kao dio formalnog obrazovanja, se izvode u ustanovama i drugim obrazovnim institucijama koje su upisane u

Registar organizatora obrazovanja odraslih u Ministarstvu i koje su upisane u Registar pravnih lica kod nadležnog suda."

Član 4.

(Novi član 13a.)

Iza člana 13. dodaje se novi član 13a. koji glasi:

Član 13a.

(Neformalno obrazovanje)

- (1) Programi neformalnog obrazovanja, između ostalih uključuju:
 - a) programe usavršavanja;
 - b) programe osposobljavanja;
 - c) programe sticanja ili unapređenja ključnih kompetencija;
 - d) programe sticanja dodatnih kompetencija u struci;
 - e) programe zaštite životne i radne sredine;
 - f) programe edukacije o zdravlju i podizanju kvaliteta života;
 - g) programe obrazovanja za treću životnu dob;
 - h) programe obrazovanja s ciljem zadovoljenja specifičnih obrazovnih i kulturnih potreba posebnih društvenih grupa i
 - i) programe sticanja drugih znanja, vještina i sposobnosti.
- (2) Neformalno obrazovanje, kao javno važeće, organiziraju i realiziraju odgojno-obrazovne ustanove, škole/centri za učenje jezika, škole/centri za informaciono-komunikacione tehnologije, centri za kulturu i obrazovanje, auto-škole, udruženja građana, privredni subjekti i druga pravna lica, ukoliko ispunjavaju prostorne, materijalne, kadrovske i druge uvjete propisane zakonom.
- (3) Vrijeme organizovanja javno važećeg neformalnog obrazovanja u toku godine utvrđuje se godišnjim programom rada pravnog subjekta za obrazovanje odraslih koji provodi neformalno obrazovanje.
- (4) Neformalno obrazovanje koje nema status javno važećeg obrazovanja mogu provoditi i ostali pravni subjekti u skladu s odredbama zakona i ne podliježu obavezi institucionalne i programske akreditacije.
- (5) Javno važeće neformalno obrazovanje odraslih se provodi, prema iskazanoj potrebi, tokom cijele godine u skladu sa Programom obrazovanja odraslih i zakonom.
- (6) Period trajanja ovog oblika neformalnog obrazovanja utvrđuje se nastavnim planom i programom Organizatora obrazovanja odraslih.

Član 5.

(Dopuna člana 16.)

U nazivu člana 16. iza riječi predmeta dodaju se riječi "i prijava za upis i oslobađanje od praktične nastave".

U članu 16. dodaju se novi stavovi (4), (5) i (6) koji glase:

- (4) Polaznici zaposleni duže od tri mjeseca sa najmanje 300 radnih sati na radnom mjestu u struci za koju nemaju odgovarajuću stručnu spremu, upisuju program formalnog obrazovanja i prilažu potvrdu o praktičnom obavljanju tog dijela poslova, te se djelomično oslobađaju pohađanja praktične nastave za prekvalifikaciju ili dokvalifikaciju, a ostatak od punog fonda sati propisanog za redovno obrazovanje se izvodi kod organizator obrazovanja odraslih.
- (5) Uslov iz stava (4) ovog člana odnosi se na svaki razred pojedinačno.

- (6) Polaznici iz stava (4) ovog člana, uz prijavu za upis dostavljaju dokaz o stečenoj srednjoj stručnoj spremi III odnosno IV stepena i potvrdu poslodavca o praktičnom obavljanju tih poslova.

Član 6.

(Dopuna člana 18.)

U naslovu člana 18. iza riječi redovnoj dodaju se riječi "i praktičnoj."

U članu 18. iza riječi redovnoj dodaju se riječi "i praktičnoj".

Član 7.

(Izmjena člana 21.)

Član 21. mijenja se i glasi:

(Obrazovanje u dopunsko-konsultativnoj i online nastavi)

Obrazovanje u dopunsko-konsultativnoj i online nastavi se izvodi u grupnim i individualnim dopisnim konsultacijama. Broj sati grupnih konsultacija ne može biti manji od 10% od ukupnog broja nastavnih sati propisanim nastavnim planom i programom za redovnu nastavu. Individualne konsultacije dopisnim putem izvode se uz pomoć posebnih nastavnih sredstava i didaktičkih izvora znanja za samoučenje koje je dužna osigurati ustanova za obrazovanje odraslih. Online nastavu ustanova za obrazovanje odraslih izvodi putem dostupnih elektronskih platformi.

Član 8.

(Izmjena člana 22.)

U članu 22. dodaje se novi stav (1) koji glasi:

- (1) "(1) Program obrazovanja odraslih je službeni dokument na koji Ministarstvo daje saglasnost na prijedlog Organizatora upisanih u Registar Organizatora obrazovanja odraslih, ako je riječ o formalnom obrazovanju i javno važećim neformalnim programima, dok ostale programe neformalnog obrazovanja donosi Organizator obrazovanja odraslih, a kojim se utvrđuju nastavni sadržaji koji će se realizirati u tom procesu".
- (2) Dosadašnji stavovi (1), (2), (3), (4) i (5) postaju stavovi (2), (3), (4), (5) i (6).

Član 9.

(Stupanje na snagu)

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-04-25959-23/21

24. juna 2021. godine
Sarajevo

Premijer

Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), a u skladu sa članom 21. Zakona o namještenicima u organima državne službe u Federaciji Bosne i Hercegovine ("Službene novine Federacije BiH", broj 49/05) Vlada Kantona Sarajevo, na 29. sjednici održanoj 24.06.2021. godine, donijela je

**ODLUKU
O DAVANJU SAGLASNOSTI ZA POPUNU RADNOG
MJESTA U STRUČNOJ SLUŽBI VLADE KANTONA
SARAJEVO**

I

Daje se saglasnost Stručnoj službi Vlade Kantona Sarajevo za popunu radnog mjesta namještenika na radnom mjestu - Viši referent za pripremanje i realizaciju sjednica